



Buku Leyikulu ya swihungwana

XITSONGA



basic education

Department:
Basic Education
REPUBLIC OF SOUTH AFRICA

Buku ya

8



Matirhiselo ya Buku Leyikulu:



**Switori leswi
nga ebukwini
leyi:**



1 Mpfundla na xibodze

1



2 Wendy N'wankavangaheti a ponisa vutomi

q

Tanihi mudyondzisi, u ta fanela ku kunguhata no lulamisela ku endla nghingiriko wa ku hlava swin'we na tlilasi ya wena. Ko tala loko ku endliwa nghingiriko wa ku hlava swin'we, mudyondzisi u tirha na tlilasi hinkwayo, hambiswiritano, loko tlilasi ya wena yi ri yikulukumba swinene, swi nga va kahle ku tirha na ntlawa kumbe xiphemu xa tlilasi. Tiyisia leswaku vana va kota ku tshamiseka no vona Buku Leyikulu leswaku va ta kota ku hlava xitshuriwa.

Hi nkarhi wo hlava swin'we wa Buku Leyikulu n'wana u dyondza makhomelo ya buku, a khoma buku yi languta kahle ehenhla, a phendla buku kahle. Swi hluvukisa kahle minongoti ya masungulo ya buku – khavhara, emahlweni, endzhaku na vito ra buku. Swi tlhela swi kombeta ndlela leyi ku hlava ku humelelaka hayona naswona i swa nkoka eku hluvukiseni ka vutshila bya n'wana byo yingisela, byo vulavula, byo hlava, byo ehleketa na byo tsala tanihilaha swi lavekaka hakona eka XIPHOKHAMA:

- Ku hluvukisa vutshila byo yingisela na byo vulavula.
- Ku hluvukisa vutshila bya ku hlava loku hluvukaka.
- Ku hlamula swivutiso mayelana na xitori.
- Ku va ni xiave loko ku endliwa mikanelo, ku nyikana nkarhi wo vulavula.
- Ku dirowa na ku encenyeta xitori.
- Ku tirhisa swifaniso ku vhumba leswi xitori xi vulavulaka hi swona.
- Ku tirhisa ku hlava swin'we tanihi masungulo ya ku tsala swin'we.

Ku tilulamisela nkarhi wo hlava swin'we wa Buku Leyikulu

- Tiyisia leswaku vana hinkwavo va kota ku vona buku. Loko tlilasi ya wena yi ri yikulu, swa antswa u tirha na ntlawa lowutsongo.
- U ta kuma leswaku swa ku pfuna ku yimisa buku ku endlela leswaku u nga tikumi u yi khoma loko u ri karhi u hlava. (Vona swiletelo swo endla xitende xa buku eka khavhara ya le ndzhaku.)
- Tirhisa rhula kumbe xo kombetela ku landzelerisa marito loko u ri karhi u hlava.
- Loko u lava ku tshirelala marito yo karhi, u nga namarheta swiphephana ematlhelweni ya rito ra kona leswaku ri vonakala swinene kumbe u nga endla ‘fasitere ra masalamusi’. Tirhisa xiphephana xa rhekthengula (yinhlamune) lexi nga na mbhovo exikarhi kutani u xi veka ehenhla ka xitshuriwa leswaku ku vonakala ntsena rito rin'we.

Nkarhi wo sungula wo hlava swin'we.

Nkarhi wo sungula wu pakanise eka ku tiphina no ‘languta’ xitshuriwa ro sungula na vana va ri karhi va nyika mavonelo ya vona mayelana na xitori.

- Phendlaphendla xitori lexi va nga ta xi hlava. Vulavula hi swifaniso.
- Kombela vadyondzi ku vhumba xitori ku ya hi vito ra xona na swifaniso.
- Hlamusela marito lamantshwa kumbe yo tika vadyondzi va nga si sungula ku hlava xitori.
- Endla makhadi ya marito ku tivisa ntivomarito lowuntshwa.
- Hlava xitori, u tirhisa swikoweto no cincacinka rito ra wena, rivilo na thoni. Tirhisa ninginiso wa swirho na ngohohe.
- Landzelerisa nkandziyiso loko u ri karhi u hlava hi ku kombetela eka marito hi nhonga kumbe hi rhula leswaku vana va ta vona leswi u swi hlayaka kutani va yelanisa mpfumawulo na tinhlanga leti nga eka papila rero. Leswi swi ta tlhela swi va pfuna eka endlelo ro hlava ku sukela eximatsini ku ya exineneni no sukela ehenhla ku ya ehansi.
- Tirhisa nkarhi lowu tanihi nkarhi wo dyondzisa ‘ririmi ra buku’ tanihi: marito, xivulwa, papila, mutsari vito ra buku, na swin'wana na swin'wana.
- Pfumelela vadyondzi ku va ni xiave exitorini hi ku ku joyina loko ku ri na xiyimo lexi vuyeleriwaka (xik, “tsutsuma, tsutsuma, tsutsuma hi rivilo tanihilaha u nga swi kotaka hakona, u nge ndzi khomi – hi mina wanuna wa xinkwa xa jinja!”).
- Xitori xin'we xi fanele ku hlaviwa kambirhi kumbe kanharhu ku endlela ku nyika vadyondzi nkarhi wo vuyeleta swiphemu swa ririm, ku encenyeta migingiriko kumbe ku tlhela va hlamusela swiphemu swa xitori hi marito ya vona vinyi.

Nkarhi wa vumbirhi wo hlava swin'we.

- Eka nkarhi wa vumbirhi ku tlhela ku tirhisiwa xitshuriwa lexi a xi hlaviwa kutani ku pakanisiwa eka ku va vana va va ni xiave eka ku hlava na mudyondzisi hi ku tirhisa mikanelo/mimburisano leyi humelelaka leswaku ku ta hluvukisiwa ntwisiso wa ntivomarito, ku hluvukisiwa vutshila byo kuma tinhlamuselo na swivumbeko swa switshuriwa (vuvulavuri, mahikahatelo, na swin'w.).
- Swi le ka wena, tanihi mudyondzisi, ku koka nyngiso wo pakanisa eka ku dyondza loku langutanaka na swin'wana swa leswi landzelaka: minongoti yo kandziyisa marito, swihlawulekisi swa switshuriwa, mpfumawulo, tipatironi ta ririm, maqhinga ya ku boxa marito no twisia eka tilevhele to hambanahambana (swivutiso swo lava tinhlamulo to kongoma, to lulamisa nongoloko lowu hoxekeke, to ehleketelela, to pimanyeta na ta mikhenso).

Nkarhi wa vunharhu wo hlava swin'we.

- Eka nkarhi wa vunharhu wo hlava swin'we, vana va fanele ku tihayela xitshuriwa hi voxne no endla migingiriko ya swanomo, yo endla kunene hi mavoko na yo tsala yi karhi yi kongomisiwe eka xitshuriwa.
- Laha swi kotekaka, xitshuriwa xo hlava swin'we xi fanele ku letela ku Tsala Swin'we laha mudyondzisi a kombetaka matsalelo ya xitshuriwa kutani vana va titoloveta matsalelo ya xitshuriwa hi ku byela mudyondzisi leswi lavekaka. Mudyondzisi u ta va a ri karhi a va letela no tsala leswi va swi vulaka. Maletelalo lama ma maendlelo yo tsala ma pfuna ku lulamisela vana ku titsalela migingiriko ya vona.


1

Mpfundla na xibodze



Khale ka khaleni mpfundla na xibodze
a swi tshama ekhwatini. Xibodze xa
buraweni xi hundza hi ku nonoka
kutani mpfundla wu xi hleka. Siku
rin'wana mpfundla wu ku eka xibodze,
"A hi phikizane hi ku tsutsuma."
Xibodze xi pfumela kambe mpfundla
wu hleka swinene.

Swiharhi hinkwaswo swi hlamarisiwa
hi xihleko. Swi tile ku ta hlalela
mphikizano.



Mpfundla wu tsutsuma hi rivilo lerikulu
kutani wu kumeka wu ri emahlweni ka
xibodze swinene.

Wu langutile endzhaku kambe wu nga
xi voni hikuva a xi ri endzhaku swinene.



"Xibodze xi nonoka ngopfu," ku ehleketa mpfundla. "Xi ta teka nkarhi wo leha ku fika laha. Ndzi ta wisanyana kutani loko xibodze xi vonaka ndzi ta yima hi ku hatlisa ndzi tsutsuma ndzi ya hlula mphikizano." Mpfundla wu tshama ehansi kutani wu ba hi vurhongo.



Loko wa ha etlerile wu twile swiharhi
swin'wana swi hoyozela. Wu ehlekatile
wonge wo lorha.

Loko wu pfuka wu vonile xibodze xi ri
eka ndzhati wa ku hlula. Mpfundla wu
tsutsuma hi rivilo lerikulu kambe wu nga
fikeleli ku hundza xibodze, Xibodze se a xi
winile mphikizano wa ku tsutsuma.



2

Wendy N'wankavangaheti a ponisa vutomi




Khale ka khaleni, ndyangu wa
N'wanhlampfi Misavu - manana,
tatana na vana vanharhu - a
va tshama eka tamba leri mileke
swilo swa mihlovo ya pinki na wo
tshwuka endzenindzeni ka lwandle
ra wasi.



Nindzhenga loko xikolo xi humile,
vana lavanhарhu a va pfuna hi ku
basisa kaya ra vona etambeni ra
le Iwandle.

Endzhaku ko basisa, vana
lavanharhu a va endla
ntirhokaya wa vona kutani va ya
tlanga ekusuhi na tamba ra kaya
ra vona.



Ndyangu wa ka N'wanhlampfi Misavu
a wu hanya hi ku rhula elwandle. A
va kuma swakudya swo tala etambeni
naswona a va hlayisekile.

Ku fikela siku rin'wana ...




... loko ndyangu wa N'wanhlampfi
Misavu wu twa un'wana a ba nkalanga
swinene.

"Pfunani! Pfunani! Ndzi pfuneni!"


"I mani loyi a cemaka hi ndlela leyi?"
ku vutisa Manana N'wanhlampfi
Misavu. "Xana ku nga va ku humeleta
yini?" ku vutisa Tatana N'wanhlampfi
Misavu. "Ha chava!" ku vula
swinhlampfana leswinharhu.

Pfunani!





Kutani ku fika khombo. Va vonile
Scaly Nyankwave a ri karhi a
hlongorisa Angie N'wanhlampfi
Xintsumi.



Mbuyangwana Angie N'wanhlampfi
Xintsumi a chuhwile lero u hlamberile
a nghena endzenindzeni
swinene ka lwandle
leswaku a va ekule
na Scaly Nyakwave.






Vandyangu wa N'wanhlampfi Misavu
va hlanganisile tinhloko va kanerisana.
Xana va ta n'wi pfunisa ku yini Angie
N'wanhlampfi Xintsumi?

A va swi tiva leswaku ku na nhlampfi
yin'we ntseña leyji a yi nga chavi Scaly
Nyankwave.


Nkulukumba N'wanhlampfi Misavu
u berile Wendy N'wankavangaheti
riqingho.

"Hi pfunе! Wendy, hi pfunе! Scaly
Nyankwave u lava ku dya Angie
N'wanhlampfi Xintsumi. U le
khombyeni lerikulu".




Wendy N'wankavangoeti a hlambela a
ya ekaya ra N'wanhlampfi Misavu.

"Mi nge ndzi pfunu Angie
N'wanhlampfi Xintsumi," ku vula Wendy
N'wankavangaheti. "Ndzi nkulu no va
na matimba naswona a ndzi n'wi chavi
Scaly Nyankwave".



Hi ku phakata no puluta ncila wa yena,
u himile Scaly Nyankwave. Vutomi
bya Angie N'wanhlampfi Xintsumi byi
va byi ponisiwile.


Angie N'wanhlampfi Xintsumi u
khensile ndyangu wa N'wanhlampfi
Misavu kutani a hlambela hi rivilo a
tlhelela ekaya ka yena - ekule swinene
na Scaly Nyankwave.





"Wendy N'wankavangaheti u ponisile siku!" ku huwelela ndyangu wa N'wanhlampfi Misavu.

Xinghana i **ku tshembana na ku pfunana**.



Ha ku amukela eka ntlhandlamano wa Tibuku Letikulu. Buku Leyikulu leyi i xiyege xa ntlhandlamano wa tibuku ta Rainbow, lowu katsaka tibuku to tirhela, nhlengelo wa swihlayahlaya, tibuku to hlaya ku ya hi tigiredi na tiphositara. Hi tshemba leswaku switori swo hambanahambana eka Tibuku Letikulu ta nhungu swi ta ku pfuna eka madyondzisele ya wena na leswaku vadyondzi va ta tiphina hi ku hlaya swin'we ka vona.

Xitatimende xa Pholisi ya Kharikhulamu na Makambelelo (XIPHOKHAMA) eka Xijimo xa Masungulo xi kombisa ku hlaya swin'we tanihu xin'wana xa swiyenge swa nkoka swa maendlelo yo hlaya. Ku hlaya swin'we ko tala ku endliwa exikarhi ka masiku mambirhi ku ya eka masiku ya mune evhikini naswona n'wana un'wana na un'wana u va a ri na xitshuriwa lexi fanaka leswaku a ta hlaya. Tibuku to tirhela na tibuku to hlaya ta tigiredi ti lulamerile xikongomelo lexi.


Hambiswiritano, ku hlaya swin'we hi ku tirhisa Buku Leyikulu leyi nga na maletere lama kurisiweke i ndlela leyi faneleke ya maendlele ya ku hlaya swin'we hikuva vana va kota ku vona marito na swifaniso no tlhela va kota ku landzelela loko u ri karhi u hlaya hi ndlela leyi fanaka na ya mahlayelo ya ntoloveloyi switori swa vandyangu. Swi na nkoka leswaku vana va tshama va rhendzela Buku Leyikulu leswaku va kota ku vona no hlaya xitshuriwa. Maletere lama kurisiweke ya tibuku letikulu ya endla leswaku swi koteke ku hlayela ehenhla u hlayela vana vo tala hi nkarhi wun'we eka mbangu lowu nga rhula.

I ntirho wa wena tanihu mudyondzisi ku endla leswaku switori swi hanya leswaku vana va kota ku tumbuluxa mbangu wo tiphina na ntsako.

Mianakanyo yin'wana ya ku tirhisa Buku Leyikulu

- Tirhisa phepha ra pulasitiki leyi vonikelaka tanihu khavhara ya Buku Leyikulu ya wena. Swi ta pfuna eka vadyondzi na mudyondzisi loko va tsala eka pulasitiki.
- Tsala eka khavhara hi pene leyi sulekaka.
- Tirhisa tlilipi ya bulldog ku nameka khavhara yo vonikela eka Buku Leyikulu.

ISBN 978-1-4315-3004-5



ISBN 978-1-4315-3004-5

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA


Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Endla xitende xa wena xa Buku Leyikulu

U ta fanela ku va na:

- Khadibodo ya vuanami lebyi ringanaka na Buku Leyikulu loko yi pfuriwile (594 mm) na vulehi bya kanharhu (1360 mm).
- Thepe yo pfala.
- Titlilipi kumbe tiphekisi timbirhi to endla leswaku khadibodo yi tshama endhawini ya yona.

Tirhisa thepe yo pfala ku hlanganisa swiphemu swa khadibodo.

Petsa khadibodo u endla fureme ya A u tlhela u tlilipa tshaku na le mahlweni swin'we hilaha swi kombisiweke hakona laha hansi.

